

劉仲修先生詩文集

劉仲修先生詩集卷四

歌行

為潘仲暈題定使君所贈馬郎中畫鶴

郎中畫鶴稱第一江海十年多見之
蘭皋明日照獨舞雪影參差風倒吹
滄洲玄圃三山上琪樹金枝日
應長萬里懷歸惜羽毛中宵怨別流
孤響通泉素壁久漂零忽見新圖百
感并華亭舊歎傷心切赤壁扁舟入
夢驚綠錦池邊飼秋雨驟騎多情每
同賦相思欲報故人知為傳一札東飛去

田園幽隱圖

我家清江縣城北竹梁花塢環深宅鄰屋分燈夜讀
書仙山惜鹿春耕石蹤迹年來迂轉蓬萬事驚心舊
業空無錢買山雅愛畫坐對新圖如夢中柴門茂樹
森相向野水山橋接空曠雨足沙田野犢間風回茅
屋晨雞唱隔林炊黍起新烟接竹穿籬引澗泉旁隄
榆柳皆新種近舍柘枝不記年山深住久疎城府人
情頗訝今非古酒熟頻開白杜尊家貧時賣蘇公屨
適者中原相持角錦袍白馬相馳逐得失俱隨去水

至今猶說王官谷

劉宗海為余作清江春雨碧嶂秋嵐二圖賦

此贈之

劉君早年善山水得意往往圖樵漁西昌城西一相
見忽然贈我雙畫圖圖中似是清江曲春雨蒼茫汀
樹綠烟中髣髴辨飛帆水際依稀見茅屋漁郎繫船
江石上一磯頭水新長孤村日暮烟火微渡口歸
人暝猶往碧嶂層巒翠轉奇嵐光秀色含朝暉風林
葉洒青壁雲壑流泉生翠微我昔結廬此山裏每

愛秋氣淨如洗經年奔走厭風塵偶有新圖心獨喜
憑君添我小綸巾明當歸掃山中雲他日君來一相
訪松根為子開柴門

題金華余仲揚山水

人言吳中山水好坐思絕境那能到金華山人懷故
山時拂欠紈寫幽島贈君此圖更絕奇妙墨精思奪
天造陂陀重阜隱喬木掩仰遙汀帶文藻石嶠雲生
暮色微海門潮落秋風早賀監居臨鑑湖曲子猷宅
近山陰道江清落日棹船回照水新袍影顛倒高情

千古摹前哲世俗紛華豈堪保經年烽火遍江南萬
壑千峯迹如掃時人奔走厭塵濁試觀圖畫開懷抱
思傍幽林結茅屋柴門低映寒藤老放鶴前山戴笠
歸獨抱長劒拾瑤草

題古木幽篁圖

近者天下寫竹枝息齋子昂最奇絕金釵折股雖畫
沙直以高情寄豪墨後來小李用家法更覺縱橫脫
羈勒御榻屏風或詔寫流落人間豈多得我家真跡
兼數公錦囊玉軸複壁中舊宅荒涼經戰伐故物都

隨烟燼空此圖尋丈小
李作位置頗殊標格同
半身古樹色蒼潤簣簪
因依相淡濃長林無人
秋氣入蜿蜒蛇蛟起幽
蟄蛸蠅垂絲畫陰靜老
鶴陟翎昏雨集黃陵廟
前湘水深捐珙江臯思
俯拾浮槎尋源遡空潤
折旌低度玄雲濕何郎
兄弟最好奇愛此不減
珊瑚枝幽居正在蘭峯
下亦有喬木當自扉共
展長圖幽興發六月涼
颼生葛衣還君珍襲增
歎息他日重看覓舊題

題傳商翁觀松瀑圖

山風蕭蕭盡寂歷長松落落倚絕壁紫烟乍留青嶽
中瀑布迸落蒼厓石山中之人形骨清幅巾飛杖時
獨行溪迴隄絕去無路坐撫瑤琴摸劍聲我亦平生
慕真賞十年誤落江湖上故山蕭條久不歸夜雨秋
衾夢長往人生適意無是非雲林久與幽人期九節
預裁青竹杖明朝試拂薜蘿衣

題何武子所藏簡天碧松圖

蒼松偃蹇如短虬垂肘近人寒不收悲風蕭蕭生畫
晦古鬣彫水令人愁錦韉騎馬山陰道石黛空青拂

衣好萬里江湖隔舊游坐觀圖畫空山老

和席煥章韻

西窗山茶初作華屋角枯楊啼早鴉景物蒼茫歲年
莫自笑經年猶別家王梁之山峽江上金洞瓊岑鬱
相向却憶幽人經澗陰寄我山中采薇唱昔者登臨
訪紫烟石幢題字不知年松杉老大堪圍帶橋水新
生勝榜船仙人瘞劍青山麓捫蘿下窺弱修竹服食
爭未丑色芝咽泉誰試千秋菊于今局促少清閒夢
著只在仙莊間世事捺人心操操誦君新詩為解顏

相親未厭相疏久烏鳴嚶嚶思我久曠野懷寧訝山
陽鍛任達長耽步兵酒獨愁無力濟時紛壯志銷沈
老廢却自昔艱難伏卞亦令人長憶李長源

宿慧力寺有感呈滿公

城南慧力古靈剎名勝傳聞冠江右四方緇流每萃
止大殿高臺日殷阜琅函貝葉藏一出父老奔馳婦
女走千人奉持萬人遮金枝翠幢相先後余時少年
事遨遊嬉酒徒博侶多相隨升廊厯廡覽未畢日暮花
陰連騎歸一時繁盛今何有徒見石橋橫廢沼百年

喬木盡剪伐萬石金鐘卧荒草龍象無依鬼神泣過
者見之生歎息天道周旋地氣復乃有真僧為時出
滿公碩德衆所異往者說法城東寺郡公延請縣公
謁車錫茲山理荒翳披榛剔莽立梁棟頗有軒窗延
爽氣我來正值六月莫蓮莖出水瓠葉肥脫中解帶
坐竹榻涼風蕭蕭吹葛衣端州石硯光照席坡墓吐
水光相射要余作字懸素壁春蚓秋蛇恣盤屈午陰
當戶間竹雞石魚聲動方齊時冰桃玉李列邊豆黃
梁赤粢供初炊感此意氣良不薄手拂吳箋動新作

靈輟昔與常丹期大顛亦赴韓公約人生交情貴相
得何必濡墨紛嘲謔故鄉風物總堪奇歎我遠避胡
不歸兒童不解念鄉井白髮慈親懷舊扉與予相期
在秋杪二舸中流羨飛鳥烟中鶴喚識松關落帆寺
下滄江曉

送羅與敬歸西昌

石龍磯畔多勢草游子憶家春已老水北楊花撲地
飛旁人謾道飛游好愛子不忍別送子到水濱青天
孤影飛黃鵠落日長風吹斷雲朝發銅塘津暮宿青

泥渡帆過孝通祠漸是西昌路金魚洲遠樹青青三
願浮烟生杳冥石扶壞道通高關水噓危沙見古城
君家正在何方住獨有圍廬俯江渚昨夜深聞夢遠
人相思定倚櫻桃樹

贈卜者

傳說騎箕去千載復落人間吁可愕偶爾逢之白日
其古木葉脫栖烏泊振衣輯杖揖主人夜雨篝燈坐
高閣執策縱橫布方凡龍馬出河龜出洛口如懸泉
目流電意氣軒昂出廖廓霜鐘微扣聲震野雄劍光

芒露鋒鏑昔者北遊天子都南走沅湘望衡嶽諸公
車迎盡虛左亦有封章薦鴟鴞一官蹉跎巔海間萬
事驚波已蕭索賈生常從季主遊揚雄昔受君平學
賢者避世皆如此寧免俗士嗤輕薄我本清江持釣
者舊有茅齋小東郭十年飄梗竄空谷豈有夢寢思
高爵麋鹿之性不可馴矧肯低頭受羈縛君言富貴
晚相逼縱使有之非所樂蓬萊方壺隔滄海琪樹山
花紛間錯綠髮仙翁久相待煩君為借遼東鶴

題金人獵騎圖

昔者金源起東北萬馬南馳蹴中國青蓋趨燕民獄
推殺氣如雲暗吳越天旋日轉息戰爭裏草包兵交
玉帛翔南無事號太平頗習華風變夷貊既尊儒術
尚文事立進畫圖供玩閱是時張戡畫鞍馬尺素流
傳擅聲價此圖彷彿戡所作似貌燕山馳獵者秋高
露白葭葦黃隱約寒山接平野虎鶻崔嵬赤茸韜騎
影聯翩意閑雅龍媒振鬣望空濶足若奔暑汗流赭
前驅後逐爭豪雄左旋右轉若回風鴛鴦驚飛百獸
駭蒼鷹脫臂騰高空策馬數獲落日紫金盤行炙饜

奴僮當時觀者徒歎忽寫入丹青真國工古愚先生
最好事錦標細束紆鸞龍郡齋展玩當清畫驚颺颺
颺吹簾櫳白頭書生幽剡客不覺涕泪沾膚骨百年
興廢恍如夢苜蓿蕭蕭迷古宮

題雪林墨竹

望霓旌兮雲間吹參差兮湘沚靈雨兮朝飛衝風兮
夕起憶素手兮同携步道搖兮玉臨解翠佩兮明璫
寄相思兮千里

題趙子深山水

山蒼蒼兮嶽岑谷窈窕兮阻深木含滋兮競秀雲欲
雨兮晝陰蹇行人兮中流掉扁舟兮容與渺余懷兮
曷從望巖扃兮延伫白露零兮中洲瑤草歇兮歲
已邁吹洞簫兮建翠旂望佳人兮澹忘歸九竇兮差
我衡風起兮水揚波差白石兮晝晦里千里兮奈何

丁節婦詞

芳草綠兮水揚波玉雞鳴兮聲相和望夫君兮朝不
來嗟復死兮心獨悲撫孤嬰兮泪汎濶乳哺兮時
孔艱時孔艱兮可奈何力堪瘁兮天靡他時逾邁兮

歲逾逝既纓冠兮又束帶出夷猶兮求厥友入升堂
兮具甘旨唯貞慈兮神所祐俾康強兮介眉壽煒彤
管兮灼幽德繫世世兮為壺則

茅屋讀書圖

峨峨蒼山白雲冒之靈液滲瀉瀉為清漪帶我林薄
環我蓬萊春日載陽卉木華滋呦呦鹿鳴泛泛浮鷺
叙此幽獨理我琴冊嗟彼聖賢遺我今則顧瞻周道
零露在草駕言從之中心慄慄澗有蘭茝山有蕨薇
逍遙卒歲皓首為期

題夢鶴軒圖為

守曾仲修賦

綠髮山翁宮錦囊十
淪落江之涯扁舟夜傍弄明
月夢逐西風孤鶴飛孤鶴西飛渡江渚星斗沉沉遠
山曙逸思蹇騰八極雲霜豪點染三秋露梁園才子
蘭臺賓露冕行春移畫輪未論羽翼冲霄漢直道吟
懷如古人山城休暇多賓客共展新圖綺軒側一曲
寒波照縞衣坐令長憶林臯宅

染練曲

燕鷁出壳蜂營窠玉窗白練初成匹五龍吐水射金

機壁月斜明照彤室
玳筵歌舞綵裳清
綠搖紅華露香蘭堂頃刻生顏色
搖烟颺日爭輝光輝光隱映
綉羅幃門外青樓臨大堤柳夾樓
渠飛絮晚煮鵝斑
驢春不歸眉山攢黛生新怨
錦字泥緘文苑轉人意
易移如染練詎信儂心長不灰

白苧詞二首

象林玉瑱駕駕祠銅盤畫燭燒紅雲
芳尊蘭勺沾朱唇
白絃高歌動梁塵
請君試聽曲意新
揮金縱歡及良辰
落托解條無再春
遺令高臺作歌無鬱鬱西陵

那得聞

連枝蜀錦鋪金堂中山旨酒寔瓊觴
豹昭狸唇出中房博山火紅夜未央
催弦促柱歌吹揚輕身向君回玉璫
妖姿艷態世無雙君心胡為樂遠行

車遙遙

車遙遙行漸遠男兒徇名不記近
前年客邯鄲去年出秦關今年驅車復入燕
燕城巍巍十二門龍樓鳳閣起中間
大道通衢客九軌狹斜岐路相鉤連
壯哉佳麗地王氣若浮烟四海為一家
天下方晏然列侯

皆藉先人業丞相偏蒙太后怜兄弟幾人乘西轂父
子七葉珥貂蟬貴者自復貴賤者自復賤剝辛樂殺
徒為尔奇謀異畫不得薦翔風吹沙欺黑貂拔劍憤
歎起晨朝上林三月花正滿帳飲東都攀柳條金尊
酒盡客言別楊鞭復駕車遙遙車遥遥向何許千里
行行至單父因從魯諸生橫經折令右東帶纓佔冠
振節耽文事千載芸窓自讀書人言詞賦似相如高
車大馬消散盡寂寞衙門駕鹿車

許子聲思親詩

宮城烏幕宿宮城水邊仰曉向宮城城上啼是吹聞
之心獨悲五年官幕府三載宦王畿討賊啼烏起
闔夜眠孤館夢庭闈庭闈遠隔西江水千里宜春更
西去楊葉垂門蔭綠溝萱花覆側常朱戶文憲相映
閑慈顏曰髮重徘徊烏飛還繞庭前側坐聽烏殺憶
游子游子心轉切愁看苑花飛遙望雲山懷舊隱欲
將綵服換朝衣平明策馬几衢裡猶憑君恩未得歸

猛虎行 山居近多虎害食民耕牛畜豕民
甚苦之古人有以文感異類者此非涼德所

及聊為歌詩以訟之

猛虎何咆哮的類黑文章兩目夾明鏡牙齒若秋霜
朝嗽一青兕莫食雙豕狼似舌蟾哺如血鮮領子時
蹲古塚類樵采不敢近草木上參天夜深月黑風號
苦還向近村室賣犢卜室几室牛圈空野翁嗽嗽老
婦哭曰荒無牛不得畊官中憎賦有嚴刑鞭笞恣狼
藉羸老豈足勝去年甲士類經過白晝劫人家復破
軍中貨牛動千頭貧家無錢那可求里胥曉至門怒
日氣如山園中一火火如大明朝貢米去輸官未足

了官教少寬里哥怒猛虎夜復來啣之上山去猛虎
爾何愚天遺烏兔肥爾軀今胡使人飢不得食寒不
得衣憔悴如枯株駒虞有足不踐萌芽獬豸有角唯
觸奸邪爾獨恃力不恃德使我為爾長咨嗟人為萬
物靈力莫爾敵心獨忽慢不能平思剪爾類緩我生
黃閭盡矢係長絲莫中諧張當路蹢爾行不虞焚其
機爪牙雖利將安施食爾之肉褫爾皮

行路難

涉水多蛟龍跋山多猛虎荒城荆棘上參天大澤脩

蛇橫草莽百里黯慘無人烟
驅車俱行陷泥滓前車
軸折後車來行人不覓旁人哀
眼前道路已如此何
況太行高崔嵬爲君歌路難
請君試一聽位高金多
豈足貴擊鐘鼎食何足榮
東溝水流西溝涸昨日花
開今日落世事榮枯反覆手
七尺之軀安所托古來
賢達人與時同卷舒龐公鹿
門隱馬生鄉曲居歎
嗟卿乘下澤車何用終朝出畏途

醉贈何能舉

與子十年不相過豈意今日重逢君
狂歌痛飲自吾

輦世間俗子徒紛紛
林木蕭疎濕秋雨
蹇蹇懶渡溪橋
水咫尺西峰隔白雲
群仙環佩月中間
重陽好約欠壺子
同入仙源辟世人

招隱辭題何彥正文澗山房

澗之水黝以長石
齟齬兮山蒼蒼
丹霞爛兮結采章
波蕩滿兮昭回光
紫貝空兮桂為梁
何以葺之襟杜衡
有美人兮宛清楊
帶長劍兮芙蓉裳
差好修兮文孔武
心思之兮不能忘
寒夷猶兮水之漪
加鳬雁兮以翠矢
酌兕觥兮美且旨
祝眉壽兮介繁祉
芳草歇

今歲已過君不顧
分心隱憂紛濁世
今不可倩歸來
歸來今無久留

劉仲脩先生詩集卷五

七言律詩

周所立江村草堂

將軍舊日曾分祿，為結茅堂草覆檐。
過橋柳暗禽爭樹，當戶花開燕入簾。
醉書江石兼雲冷，晚飲山苗帶露甜。
之子多才空白首，獨將詞賦擬江淹。

雲卧山房為了上人賦

空山雲卧杳難尋，惟許人間礼磬音。
龍起鉢中生片影，雀歸山頂結輕陰。
化為法雨沾衣濕，散作天花遶影深。

塵深去住了然無定著祇應猛虎識禪心

仙溪書院為何能舉賦

江海歸來西鬢霜仙源深處制茅堂參差樹映春山
遠窈窕橋通碧澗長金櫃藏書遺鳥迹石田種玉起
虹光只愁來往迷花嶼預擬藤陰問釣航

山居圖

世傳隱處祇空聞草斷行踪路不分鬼谷樹深衣濕
翠鳳林芝煖石生雲寒泉疊響清琴調白雪飛花逐
劍文已約八公携手去青岑從此謝鶯氛

淵明入社圖

空山樓觀遠蒼蒼
路出深溪石磴長
近瀑飛雲經樹濕
穿花流水過橋香
高僧喜識禪郎杖
稚子歡迎薜蘿裳
入社幾時遠出社
松陰千里到柴桑

和完彦明韵

山陰栖息又忘機
回首江湖舊夢非
萬壑莫雲凝遠望
連城秋草欲何歸
家空不顧千金璧
戰勝甘從百結衣
政憶故交俱遠別
勞君枉駕訪柴扉
北雁南飛楚澤荒
關榆塞柳試經霜
行出小字題魚

素促柱清弦 崔觴怨擬靈均歌 太乙情同宋玉賦
高唐盛年有待文明日 西掖梧桐下鳳皇

贈別傅商翁

蔗園瓜地楚山春 野屋梅花照雪筠 鳧共開桑落
酒客衣猶帶豫章塵 舊彈長鈇馮議老 新著術出李
子貧 夢遠西州歸雁遠 何時同來暮江蘋

同聲之宿憲繼齋臨別賦柬

故人共宿幽壑小 編竹花間挾紫蒲 采閣暝傳浮水
箭 金城朝建相風烏 朱綠樓管出苔紙 銀簾秋衾夢

橘湖明日掉船金水去煩君臨別贈文無

贈相地湯景星游豫章

踏遍名山不憚勞青囊掛肘小絨絳蒼龍孤起飛鳬
鳥白鹿双行導鵲袍蘭閨舊遺金記在松丘新瘞石
麟高試從帝子樓中看紫氣宵沉接素濤

山泉圖為醫士潘以正作

結屋青山俯澗霓飛泉百尺照岩扉瀉甍石面涼侵
座迸落松梢翠濕衣丹非通流金橋長銅池分浸玉
芝肥抱琴爲得清冷曲彈向人間臆者稀

為高安何思恭題方壺所画山水

古象山中白晝門紫烟樓觀鳳笙寒試分玉井三秋
露戲寫方壺九疊山老樹模糊常帶雨茅茨瀟灑酒鎮
臨湍知君隱處澤如此持向荷峯錦水看

和周孟觀咏白蓮詩韵

移家寒碧亭西住最愛小池開白蓮漢渚蕩舟懷季
女吳宮飛蓋列群仙玉盃繁露瓊珠滑紉扇薰風翠
黛妍安得耶筒三百斛共君常醉水雲邊

北澗春日

青松遠舍間幽篁白板扉高薜荔牆
意晚禽聲答人語山春蘭氣襟梅香
家苗渝曲幽居癖草滿臨城舊業荒
坐憶交親半淪沒不因鳴笛自沾裳
喔喔野雞鳴遠林瑤琴揮罷思惜惜
寒凌山色難生態春入溪雲易合陰
舍隴夜燒諳土俗州城畫掩識過心
芳華杜若相將綠偏覺騷人幽怨深

謝譚雲瑞見訪山齋画馬

步屣荒郊訪山墅過橋能認薜蘿牆
烏紗帽映丹楓樹白氎衣薰紫麝香
喜贈玉驄看曉繪恨無金裊助

秋裝設將掄墨酌佳意青李來禽駕數行

游西峯貽諸友

仙閣登臨解玉璫白雲窈裏自焚香
書牕苔紙裁天碧酒愛山尊熟地黃
石泉落處寒兼雨楓葉飄來冷帶霜
幾日相違遂又別回看連嶂久彷徨

重過何氏北澗

北堂宴罷倚微醺竹几燈花坐夜分
再酌蒲尊滿醖醕重拈綵筆寫清文
山寒嵐氣朝成雨地濕松陰莫起雲
休訝野人留恋久十年江海厭離群

金尊翠勺日醺醺
渴飲山泉石鼎分
詩罷鳴琴移雁足
酒酣看劍拂龜文
別來每憶西窓月
到日同尋北澗雲
蘭玉齋中多逸興
一門才俊自為群

題巴丘龍母廟

天開玉峽西厓丹
隔岸諸峯似翠鬟
神女不歸龍已化
仙翁飛去雀空還
碧壇芳草經年合
古殿蒼松落日間
萬里長風起天末
如聞環珮白雲間

寄鄒逸人椿齡

幽居路口竹松深
時有高僧獨自尋
山起碧嵐供遠

挑泉分壺響答長吟鳴鶴拂舞翻新竹野雉朝飛入
素琴直使一簞常寂寞也勝渠逐彈金丸

寄淦川友人

廢郭浮烟合綠蕪茅茨星散縣樓孤江連迥舫鳴春
鶴樹對寒燈起夜烏古硯自磨銅雀瓦坐毡還疊剝
賓瑜市南美酒梨花白最憶青絲係玉壺
金水浮波滿石缸浪中蛟女踏輕舫時魚曉出菜莢
浦水燕晴窺薜荔窓海客獻珠誇徑寸楚人收劍喜
能双獨伶終歲音徽隔極目南雲思若江

酌西峯道士

飢食松花渴飲冰
山中獨踞自為明
春游諸洞飛雙舄
夜宿閑房共一燈
雷過石壇聲愈厲
水經雲碓勢還增
綠章隱字誰能識
按筆多煩寫翠藤

送楊允恭歸洪

乳鳥啼日柳條新
楚客初歸屬莫春
杜若烟生螺子港
桃花水暖象牙津
畫塢舊傳唐帝子
雄蛟猶憶晉仙人
百年城郭今非昔
相逆衡門洎滿巾

送錢子堅之袁城

雪色征袍拂曙烟
宣陽西去思飄飄
千峯靜對芙蓉
幙三峽遙連
啼猿橋掉得
雀舟衝雨
旋借來
驄馬向
春騎
青年書記
相知久
共拔秦箏
和玉簫

送楊子仲高安省親

金明橋畔見
蘼蘭玉峰前
復送歸文魚
錯落裝鳴
劍
紫鳳威蕤
綺舞衣
車停夕
沼花如
霏
得拂春城柳
似圓聞道
慈顏偏
嗜鱸
錦江春水
鱖魚肥

讀黃危二閣老送何彥正歸省詩序追賦一

首

水滿金溝柳着霜行人驅馬上河梁公車未奏三京賦相道爭持五色裳班固文章傳太史鐘繇書法繼中郎潤阿夜雨燒銀燭坐聽疎鐘憶建章

和楊允恭金明橋晚眺韻

楊烟多才愛碧流金明橋上對汀洲日沉水屋簷霞晚涼入山衣薜荔秋草色淺深行處合嵐光明滅望中浮魚鳬零亂扁舟集渾似東湖釣石頭

題鄒惟中西樓

西樓遠對萬山斜野客來尋駕鹿車竹嶼暝烟浮翠

黛石田秋雨潤銀沙清
樽未酌心先醉往事重論
驚欲華肯借溪南三畝宅
從君學種邵平瓜

虞心山還居隱仙寺奉東一首

山房借得新泥就晏食
隨僧拾澗蕨蒲觥酒香朝可
貴佛幢灯火夜堪依
沙田紫蔗家熟野還丹楓處
處飛待約彭蠡去相覓
哦詩罵遍竹間扉

用韵送梁徵君孟敬還石門

渝曲經年不見君
偶同江郭看飛雲
蚌還乍喜双珠
令龍跳終愁兩劍分
蹤跡每同樵客隱
姓名已被世

人間暫隨郡邑還歸去應念山中白鹿群

和友人過象牙潭韻

一曲寒山照水清
哀鴻驚鵲亂江聲
浪翻白雪千尋險
天接浮雲萬里平
前華摠隨烟霧盡
虛名真似羽毛輕
高懷欲弃人間事
同向天台訪赤城

次友人鍾陵眺望有感之作

萬堞參差啟四門
滄江一望客消魂
鳳迷吳女瓊軒月
蝶濕滕王畫棟雲
孤鳥飛空看漸滅
連櫓依溪坐成醺
獨愁交午歸來雀
謾有仙音忍重論

寄西峯李緯之

漢家仙吏駕雲矯遺跡空存碧蘚滋井底龍飛山客
見峰頭鹿過野人知芝田舊長千年藥石室新題五
字詩寄語山中李道士好將若學慰深期

寄梁孟敬

菰山之陽隱者宅日午隔溪聞讀書時有門生陳八
簋再從家僕致雙魚石門雨過篋簾濕華戶秋深薜
荔疎已約莫春携稚子咏歸沂上曳輕裾

舟中望九華山

春游秣陵涉憂還船頭初見九華山乍起雲烟碧窓
外忽生金彩夕陽間玉幢字隱仙書古石扇苔青洞
府間安得山東李太白共看山色美潺湲

寄贈黃士能

叔世紛紛談霸略鶻冠未必勝儒紳代謀不用三軍
勁應敵能施七縱神詩與故人驚句好金酌國士任
家貧高情若問飄蓬客十載寒江理釣綸

重遊玉田次韻

松徑楓蹊信馬行及門冠帶喜相迎碧窓寒葉風中

下青崦飛嵐雨後生
飲爵鑄金浮酒色
唾壺敲玉節
歌聲熟知何遜多
詩思絲毫烏絲寄客情

到郡不入城寄彭教之雪印大虛

鳳洲秋水石淅淅江色渾如博土杉草屋結來人假
宿檄文出就手親緘裁詩久愛中丞麗制酒難禁吏
部饒相見立談還即別寸心搖曳似風絲

慧力到城纔五里還聞近日在山多長廊洗鉢同僧
飯小閣焚香共客哦春後松枝高似矗秋來芋葉大
如荷獨傷驄馬同遊處澗石題名長薜蘿

葛峯秋淨翠分歧高閣撾鐘午諷時
響牒貫魚來窈窕懸幢騫鳳動
歲華象筵初散妨迎客僧籍新抄
廢咏詩我為別懷詩一寫舳艫夜
發倍相思

遊承天宮

石橋流水隔飛塵古木蒼蒼繞澗濱
靈壇舊栖迹漢史白雲曾識避秦人
冠裳千載遺瓊笥環珮三秋集羽
輪翠壁丹崖如夙契欲持名姓紀嶙峋

西昌蕭鵬舉索其師北平按察司副
使劉君子高之詩千餘篇過潭溪山

中欲余選擇將歸而刻之子高余友
也負奇才碩學知名當時其詩今
翰林侍講學士宋公評之至矣余何
足以知之徒感鵬舉師友之誼重增
故人之思次韵二章聊荅盛意他日
子高見之當發一笑也

雨過山居竹色新
華門松戶面嶙峋
錦囊綢帙聯佳
客玉節青驄憶遠人
薊北烏啼官舍曉
江南鶯轉故
園春
蕭條萬里俱華髮
月落西窓入夢頻

最愛君家兄弟好，幽居間近北岩山。
白雲當戶心同靜，亂竹侵階手自刪。
詩篇醞藉曹劉後，翰墨風流褚薛間。
師友淵源懷薊北，江湖渺渺雁初還。

為大虛上人題墨竹

贊公山房久不到，六月維楫江之潯。
入門忽覩双翠節，滿室清風開素衿。
虬吟鼉吼澗石裂，鳳翥鸞翔山日陰。
翰墨交遊總淪落，坐思往事愁人心。

題宗能敏青壁軒

沓嶂層峦翠幾重，神光動處有奇逢。
霧生深谷藏玄

豹泉落陰崖化玉龍丹篆曉書朱露濕碧窓書掩白
雲封何時携我青藜杖結屋來依五粒松

劉仲脩先生詩集卷六

七言絕句

酬別宋贊善大夫景濂四首

諸老風流逸不聞，獨携健筆繼清芬。
南宮新賜郎官佩，東觀長留太史文。

西閣垂簾坐夕陰，每因朝退共論心。
文章千載知音少，獨立蒼茫感慨深。

令子能書逼右軍，新詩妙墨兩超群。
扁舟閒日滄江上，却望文星隔五雲。

大秀千峯茁茁開王梁高接九仙臺預從山頂結茅
屋待得先生跨鹿來

景濂詩附 臨江劉仲脩先生辭章翰墨誠為
雙絕近至南京士大夫無不願見之求文卷
軸森如束筍濂雖不敏而慕艷之心為尤切
于其別去不能忘言謹賦二詩以餞

自從太乙夜然藜筆下虹光貫壁大多少縉紳求
識面江南文價為君低
相逢未久還相別恨不隨君結草堂大秀峰前雙

鳳下共聽法樂奏琳琅

四時詞

蘭風次煖度書幃桃雨烘晴映玉池
鬼谷樹深衣濕翠一簾花影碎琉璃

翠竹庭深枕簟涼冰簾風度芰荷香
覺來慵落心如冰蘭紙新題急就章

學士峰頭雁正過將軍峽口柳無多
雲屏露冷衣裳薄欲棹觥船采芰荷

露凝石室銀床冷凍合永壺玉几寒
雪亂野梅人到

少閉門添火煉還丹

題袁九霄所藏方方壺萬壑秋雲圖

故篋重看翰墨新
秋雲萬壑起嶙峋
殷勤持贈京華客
却憶京華淚滿巾

方壺子居京師最久
頗負才尚氣多目為狂士
而公卿大夫反以是賢之
老歸江南益以翰墨自豪
每念疇昔則淒然興感
往往見之文字今因題此畫
贈其故人袁九霄而謂當時朝士
十存一二彼此傷懷亦其一也
因知方壺子非遺世者而

世反遺之可為慨惜

豫章訪曠達不遇題壁

湖上青青萬柳條吹簫曾記醉相邀
重來相覓不相遇却駕柴車過市橋

庚戌十月僕有金陵之行而商翁將歸高安
同舟至涓湘留數日不能相違夜宿王氏甥
西齋吹簫酌酒為別夫傾蓋相逢猶有分携
之感況平生故人耶書此以見眷戀之情耳
鸞簫緩引酒重傾夜久燈花墜玉鑿君向雲山我朝

市江城風雨倍傷情

題竹與李緯之

新梢猶帶湘雲綠持寄山中李緯之試教雙成吹玉
管月明清露濕金芝

題竹與劉秋碧

綠華洞府無人到白石蒼苔五月涼微聽簫聲遠虛
閣竹宮醮罷月如霜

題竹

溪藤潤帶空青色湘竹寒生琬琰文何處幽尋不可

憶夜深山雨隔窗聞

題扇與羽士

縹緲樓居隔紫霞
華陽真逸過君家
金盤不薦賓桃實
自有玄洲五色瓜

為羽士簡元題墨龍

琴高夜騎赤鯉魚
上飛天門朝帝居
竹宮夜召舟車
微霧滴雲蒸滿碧虛

聽琴圖為周易題

韋帶筠冠白氍衣
龍唇鶴足軫文犀
試看十指風泉

遠曲裏時聞鳥夜啼

題畫鷹

古郢城邊雪正消
疎林古木見寒雕
電旌十騎雲中獵
曾見翻翎脫臂鞬
猶記鳴鞘出霸陵
新豐市北醉呼鷹
子今豪氣都消盡
閒看新圖剔雁燈

題郭熙春山

紫霧春山綠樹齊
水流花嶼亂鶯啼
寒驢烏帽歸來晚
恰似成都濯錦溪

題扇

烏絲細寫蠶頭篆
白芷新裁燕尾衫
雨過西軒苔色
淨澗中雲影似江帆

五粒松枝九節蒲
銅瓶分水浸珊瑚
小窗閒度游仙
曲吹遍參差白玉竿

何光贈竹扇

團扇新裁碧月寒
野人珍重北琅玕
戲拈采筆題詩
句特向貴松石上看

為存拙上人題梅

西湖玉雪坡暗香疎影奈愁何一枝新挿
更覺高僧逸興多

西風古道圖為寺僧賦

古道西風匹馬還數家茅屋住秋山只疑路近東林
寺遙聽鐘聲暮靄間

與張幼讓宿別

雁足銓花落王盤秋衾相對夜初殘幽人魂夢無它
想只在吳山楚水間

秋山紅樹起青烟野飫相逢意悄然臨別匆匆題采

筆細書霜葉當銀箋

為彭聲之題萬德才墨竹

蕙櫺夜酌鸕鷀勺花嶼春遺翡翠竿
忽憶故人江海別欲題錦字壽青鸞

聞彭聲之留郭下劉伯敷所奉四絕

淦江春水綠粼粼落花滿地如紅茵
封書寫就欲相

寄恰值連朝無別人

不惜縞衣沾綠苔玉壺美酒花前開
夢鸕軒中須一到風流謝朓待君來

理坊前迷舊宅郭下山頭同醉眠永興書法今誰
最愛劉郎寫碧箋

橘湖鯉魚堪斫鱠蕙棹齊裏醉醒時多情醉後能題
句每憶揚州牧杜之

題畫

制仙人九節筇飄飄縞袂步天風只疑綠樹溪邊
直與天台石室通

秋江晚釣圖

渚環洲隱釣篷寒藤古木落秋風十年閉戶空山

忽憶江湖似夢中

和曾郁文韻

成鳴笳起畫樓滿天涼月恨悠悠離人一夜思親
夢度盡巴江楚水秋

題竹

窗新霽綠陰稠隨意揮毫做薊邱老鶴陔翎回舞
洞簫吹遍石林秋

楚人江上竹枝歌風雨蕭蕭鼓棹過翠黛含顰欲誰
怨九疑雲暗奈愁何

洞裏仙人白兔公手持玉笛向秋風
綵雲低度天如水吹作龍吟山月中

讀易茅齋夏日長琅玕遶屋擬瀟湘
山風一夜吹疏雨共愛西窗五月涼

題扇與何重容

溪南溪北水雲村茅屋書燈對掩門
昨夜西風送微雨荷花初落槿花繁

寄潔齋主人

高齋寂寞誰堪侶陶器單衾與素琴
惟有空潭夜深

月一泓寒景照人心

題葵萱忠孝圖

蜀葵露瀉金盃側
萱草花開玉砌陰
江北江南烟水
隔空餘忠孝百年心

題扇

夜合花開滿院香
曾看竹
林下相隣
住已有佳兒似鳳皇

題扇

金鳳洲頭倒玉壺
銅塘浦口送飛臚
定時若記分携

處花滿春城聞鷓鴣

何平子持紈扇求寫墨竹并題一詩

慈竹枝長覆錦苔滿簾清景絕纖埃山風颯颯將疏
雨吹度西櫺午夢回

和辛好禮韻

流鶯百轉風連樹紫燕雙飛水滿橋三尺水簾看微
雨蜂爭花片落蘭瓢

飛仙圖

綠膺么鳳載瓊簫霧鬢烟鬟向月飄閨苑獨歸仙路

遠九天風露濕紅綃

和何平子韻

碧池萬柄青荷葉相映茅齋水霧深滿酌君家琥珀
酒時時扶醉過花陰

雪竹霜筠負所期寒雲飛雁影離離懸知磐石蒼苔
上猶有山陰道士詩

蕭蕭宮柳著霜稀水鳥沙禽弄夕暉明日鍾陵相祖
別金盤斫鱠鯉魚肥

重過何氏席上作

霜筠雪竹暮雲寒
采筆題詩點石闌
銀燭金尊重到日
老懷不似少年歡

不須美酒換金魚
且試仙人九節蒲
應使夢魂清似水
共驂鸞鶴過方壺

謝家羣從最多賢
第宅新成綺戶連
預喜酒闌賓客散
看傳銀燭散青烟

寄彭聲之

素紈便面小行書
最愛風流半醉餘
笑芙蓉楊柳娟娟
月何處相逢解玉魚

寄西峯道士

栖霞山人兩袂輕
玉螭盛得露華清
新詩不記人間事
盡寫瑤臺閬苑情

古墨輕磨紫麝臍
白雲窗下小書帷
何時為寫梅君傳
換得鸞羣映錦池

百尺飛樓接太清
萬年枝上月華明
鹿車入谷無人見
應是仙人衛叔卿

小鳳雙吹紫玉簧
雪毛丹頂唱雲章
碧桃開遍靈芝長
萬壑千峯露氣涼

夜禮珠衡佩玉鏘慶雲低遠樹金章空中鶴語神君
至睡鴨頻添百和香

瑤壇丹柰景闌干不比人間荔子丹明月娟娟清露
碧濕苞珠寶滿金盤

石室虛明隔紫烟靈文中闕白瑤鐫丹書隱字誰能
識歲月應題建武年

北澗夏日

酒傾蘭勺石泉香衣剪荷盤露氣涼誰料十年
興閉門疏雨對橫塘

白絳衣裳碧玉冠
綠波池上獨盤桓
水禽飛下涼颺起
閒看水荷側露盤

夏日坐仲溫弟寓舍

谷口雲深石徑長
簷簷遶屋午風涼
最憐小陸多幽興
自寫黃門急就章

題張天師像

揚靈出杳冥
前驅豐隆後
流鈴九州壽
天葉在錫爾長年八百齡

夜宴定侯宅醉中口號

刻羽堂中畫燭明將軍夜醉水西營
青樓小婦新承寵彈得涼州第一聲

墨竹

向長梢雙鳳毛雷驚空谷九龍章
高秋墜露濃如水瀉入金盤勝玉漿

寫荷葉上

草露涓涓滿玉峰山風拂拂透輕綰
一時幽意無人語聞向青荷葉上書

墨蒲萄

百尺龍須萬顆珠曾同宛馬貢神都
于今移植江南遍空館尋常見一株

題章子愚桃花馬圖

天閑駿馬桃花色立仗歸來日未斜
渴飲金盆龍影動滿身雲氣似丹霞

吹簫圖為劉海陽賦

曾引雙飛綵鳳來紫瓊樓管上簫臺
于今無復人間夢一曲閒吹坐碧苔

題墨梅

郭西茅屋經年別嫩蕊疎枝入夢頻何處幽尋重相
憶寒雲野水月如銀

為何彥脩題縣產古木圖

古木蒼蒼帶女蘿峯陰斜蘸石潭波十年不列屏風
疊夜雨茅簷幽夢多

與何重答

百尺長松不記年石床欹帽午陰圓何郎茅屋相憐
住為煮新茶汲澗泉

題扇

揚州何遜多才藻
秋水金塘艷碧蕖
深院閉門芳草合
小簾低護殺青書

題何勲所藏黃士一墨梅

清冷池上雪千枝
蘭玉坡前月一圓
忽憶西湖畫船夜
暗香浮動襲荷衣

重過北澗和韻

北澗蒼蒼古木長
南塘夜雨落花香
重來萬事堪惆悵
剪燭西窗共一觴

十年江海到山居
北澗重來駐鹿車
酌酒西樓聯綺

席隴隴微月照文疏

夜宴凝清軒

華燈照席酒盈缸
病客伶俜怯羽觴
豈似竹爐烹雀舌
小帷篝火炷沉香

夜久燈花落酒缸
綵箋題句更催觴
今宵獨卧西窗月
惟有梅花入夢香

題青山白雲圖

蒼苔茅屋面青山
飛翠浮嵐掩鵲間
一別漁磯成十載
羞將華髮對青灣

為何重客題金人出獵圖

八月灤河校獵還名鷹細火簇彫鞍忽聞新雁雲中
關弓駐馬看

三友圖

徂徠山高冰雪盛箕箒谷竅綠陰重誰知何遜多才
藻獨向揚州詩興濃
欠髯玉節間苔校瘦影參差落墨池最憶山陰殘雪
裡西窗相對鬢如絲

墨竹

白石蒼苔嶺谷秋疎篁古木共蕭條析釵書法今誰
繼惆悵令又憶薊邱

春至黃陵江水生明璫翠珮不勝情微風晰晰聞鸞
吹疎雨蕭蕭濕雉旌

題菊

芝甸飛霜百草零日精花發倍關情西風茱萸歸來
晚玉露如漿燕落英

和戴守漫興

鄱陽春水渺連空烟嶼飛花遠近紅石渚買魚新斫

鱸一時風致似吳中

宿西峯懷舊

石室山前白鹿車，幾看珠樹落瑤花。
重來高閣聞鐘響，回首人間陽歲華。

劍氣橫空吐白霓，千峰合翠萬松枝。
往來踪跡無人識，唯有吳門市卒知。

得失浮雲聚散間，陸機先識愧張翰。
無端一派西安水，故作愁聲入夢寒。

虞翻遺直古今稀，蔬食終朝一布衣。
忽躡青雲歸瑣

聞琅函妙墨照巖扉

書字與

細寫黃門帖新倣將軍筆陣圖不惜千行書琬
瑋愛君三尺似珊瑚

為盧彥輝題貢繼墨竹

秀色娟娟護玉階揮毫曾坐蕙樓齋別來又見秋風
莫搖落高鬟翡翠釵

書字與

陸穎霜毫東固紙逮情珍重寄山扉數行香墨游絲

字共看蛟蛇遶筆飛

題墨梅

茅屋蒼苔野水濱
歲寒冰雪久相親
江湖後夜扁舟夢
猶記尊前對玉人

仙館曾逢玉帶姿
夢中要作曉寒詞
于今相對情如水
唯有清霜遶鬢絲

寫墨竹一枝

為君拈筆寫簑簑
數尺新梢綠粉香
持白西窗聽夜雨
高情渾似對瀟湘

為彭子弘漁釣圖

彭郎磯畔小茅堂
露滿秋林木葉黃
石渚水生魚欲上
一江風雨夜鳴榔

題北澗精舍

石由流水繞生苔
翠竹蒼松傍舍栽
恰似輞川庄裏住
華門斜對芰荷開

題蘭石一幅贈蕭伯興憲史調閣中

武夷山中石如玉
西澗無人瑤草青
懸厓寒芳思獨往
香氣襲衣秋露冷